


**Na Mokambi
Henry B. Eyring**
Mosungi ya Yambo kati na
Bokambi ya Yambo



Motema Mpiko

Moko ya bantina ya bomoi ya kufa ezali kolakisa Nzambe ete tokobomba mibeko na Ye ntango moto azwi mpiko. Tolekaki na momekano wana na mokili ya milimo. Kasi eteni moko na misato ya bato ya likolo batomboka na likanisi ete bamekama na bozali ya kufa epai wapi ezalaki na likama ete bakoka kokakema.

Yambo tobotama, toyebaki Nzambe Tata mpe Mwana na Ye ya Mobali, Yesu Klisto, biso moko. Tokoki komono Bango mpe koyoka Bango lokola Bateyaki mpe balendisaki biso. Sikawa elamba etiami likolo ya mitema mpe makanisi na biso. Satana, tata ya lokuta, azali na litomba mpo ete tosengeli komono bosolo ya oyo ezali na nzela na miso ya eyamba, ntango wana banzoto na biso ekomisi biso bato na lisenginia mpe bolembu ya nzoto.

Tozali na lisalisi monene mpo kopesa biso mpiko na bomoi oyo. Lisalisi monene ezali Bomikabi ya Yesu Klisto. Mpo na oyo Ye asalaki, masumu ekoki konetolama na bamai ya libatisi. Tokoki koyeisa lipamboli wana sika ntango tozwaka elambo na eyamba mpe na motema ebongwami.

Makabo ya molimo ezali lisalisi mosusu. Tozwaka Molimo ya Klisto na mbotama. Oyo epesaka biso nguya ya koyeba ntango boponi liboso na biso ekokamba

na bomoi ya seko. Makomi masantu ezali lisungi ya solo ntango totangi yango na Molimo Mosantu lokola moninga na biso.

Molimo Mosantu etikaka biso tolakisa botondi mpe tosenga lisalisi na losambo na polele mpe elikya tosepelaki na yango mbala moko na Tata na biso ya Likolo mpe oyo tokozala na yango ntango tokozonga epai na Ye. Lisolo wana na Nzambe esalisi kobengana bobangi na mitema na biso lokola etongi eyamba mpe bolingo ya Tata ya Likolo mpe Yesu Klisto.

Bonganga Nzambe esantu epesi biso mpiko na mosala na biso. Na milulu na yango tozwi nguya ya kosalela bana na Nzambe mpe kotelemela botindikami ya mabe. Ntango Ye abengi biso kosala, tozali na elako oyo: “Mpe oyo nyonso akoyamba bino, wana nakozala mpe mpo nakokende liboso na elongi na bino. Ngai nakozala na loboko na bino ya mobali mpe na loboko na bino ya mwasi, mpe Molimo na ngai ekozala kati na mitema na bino, mpe banzulu na ngai zingazinga na ntina na bino, mpo kotombola bino” (M&E 84:88).

Profeta Joseph Smith na mosala na ye azalaki na ntina ya kobanga. Kasi Nzambe apesaki ye mpiko na elikya oyo ya ndakisa ya Moteyi:

“Mpe soki osengeli kobwakama kati na libulu molai, to kati na maboko ya babomi, mpe etumbu ya liwa

eleki likolo na yo; soki obwakami kati na mozindo; soki mbonge ya mabe ekaniseli yo mabe; soki mipepe makasi ekomi monguna na yo; soki likolo eyindi, mpe biloko nyonso esangani na koyeisa nzela moke; mpe likolo na nyonso, soki mbanga mpenza ya lifelo ekofungola monoko monene sima na yo, yeba yo, mwana na ngai ya mobali, ete biloko nyonso oyo ekopesa yo mayele, mpe ekozala mpo na bolamu na yo.

“Mwana Mobali na Moto akitaki na se ya nyonso na yango. Ezali yo monene koleka ye?” (M&E 122:7–8).

Nzambe apesi biso lisalisi ekoki koleka na kobengana bobangi mpe epesi biso mpiko, atako eloko nyonso oyo tokokutana na yango na bomoi. Lokola tozwi lisalisi na Ye, Ye akoki kotombola biso kino na bomoi ya seko wana tozali koluka.

KOTEYA NA ETINDA OYO

Yesu Klisto, Moyangeli Moteyi, mbolo mbala atunaki mituna na kolendisa bato na kokanisa mpe kosalela mibeko Ye ateyaki. . . . Mituna na Ye epesaki likanisi, boluki ya molimo, mpe bomipesi” (*Teaching No Greater Call* [1999], 68). Kanisa kosala mpe kotuna mituna ebele na kosalisa bato basosola mpe basalela babosolo eteyami kati na etinda oyo Ndakisa, okoki kotuna, “Lisalisi nini Nzambe apesi bino mpo kobengana bobangi mpe kopesa bino mpiko?” to “Lolenge nini Nzambe asalisaki bino na kolonga bobangi na bino?” Lendisa bato na kokanisa biyano na bango yambo bayanola.

BOLENGE

Moto moko te azali peto

Na Shauna Skoubye

Nakanisaka ntango nyonso kozala lokola Nefi: Na miso na ngai Nefi azalaki ndakisa monene koleka mpenza ya bolamu. Biloko moke eyelaki ngai koleka likanisi ya kokola mpo kozala se lokola ye—to na suka kobanda na kozala na ata eteni ya bolamu na ye.

Mokolo moko nazalaki na mwa pasi, ewutaki na mayoki ya malamau te. Nazalaki na makanisi ya boye mpe bantina ebele. Kasi namonaki lokola nazali kokende epai Kati na pinzoli ya bozangi elikya,

namonisaki mayoki oyo na tata na ngai. Na lobangu nyonso atelamaki, akendaki na ebombelo ya mikanda, mpe abendaki moko ya Buku na ye ya Molomoni. Ye alobaki ata liloba te, afungolaki yango na 2 Nefi 4 mpe abandaki kotanga nzela ya 17.

Malili epanzanaki na nzoto na ngai lokola lotiliki ntango nayokaki maloba oyo ya nguya: “O moto motau oyo nazali!” Makanisi na ngai ekimaki. Lolenge nini Nefi, elombe mpe ndakisa na ngai, alobi ete ye azalaki na “motau”? Soki ye azalaki na motau, esalaki ngai nini?

Lisusu, lotiliki epanzanaki kati na ngai lokola tata na ngai atangaki nzela ya 28: “Lamuka, bozo bwa ngai! Kokweya lisusu na lisumu te.” Eyokisamaki epai na ngai lokola mapata ya molili kati na molimo na ngai elongwaki mpe epetolamaki na kobimisa moto mpe kitoko ya likolo ya bule efungwami mpe moi engengi. Ezali pete te na kolimbola lolenge nzela oyo engengisaki motema na ngai. Banzela moke ya makomi masantu etondisi ngai na elikya, makanisi, mpe esengo ebele lokola oyo esalaki.

Na nzela ya ntuku na misato, Nefi alobaki solo solo oyo nazalaki kokanisa, kaka na maloba kitoko koleka: “Bozo bwa ngai bokosepela na yo, Nzambe wa ngai, mpe libanga lya lobiko la ngai.” Nzela oyo ememi na yango mayoki ya kimia mpe botondi mpo na ngolu mpe bolingo na Nkolo.

Tata na ngai akangaki buku mpe alimbolaki ete banzela oyo ebengami ntango mosusu losambo ya Nefi. Boye ateyaki ngai na boboto ete kutu bato minene na nse bazali peto te, mpe bato oyo basengeli kondima babolembu na bango mpe mosusu bakoki kozala na lolendo mpe, nzokande, monene te.

Nasosolaki. Se mpo ete nazalaki na babolembu elakisaki te ete nakokaki te kokoma lokola Nefi. Kondimaka babolembu na ngai ememaki ngai pembeni na lolenge ya Nefi. Nefi azalaki monene mpo ete, lokola azalaki botosi mpe atonda na eyamba, amikitisamaki mpe alingaki kondima bamabe na ye.

Na mayele wana, nazwaki maloba oyo ya motuya ya Nefi. Ntango nyonso natangaki yango, nazalaki na mayoki mpe makanisi se moko lokola na ntango ya yambo natangaki yango. Banzela eyembeli ngai ete Nazali mwana mwasi na Nzambe, nakoki koleka mpenza oyo nakoki kokanisa. Nayebi ete soki natosi mpe nakei liboso, mapamboli elobamaki te ebombami.

Makabo Oyo Epesi Biso Mpiko

Mokambi Eyring alobeli biso na ntina na makabo mebele oyo epesi biso mpiko. Tanga makomi masantu elandi moko na moko, mpe koma kombo ya likabo. Solola na libota na yo na ntina na lolenge nini likabo ekoki kopesa yo mpiko.

1. Misala 22:16 _____
2. 2 Nefi 4:15 _____
3. M&E 59:8–9 _____
4. 2 Nefi 32:5; Yoane 14:26–27 _____
5. 1 Batesaloniki 5:17 _____

Kolendisa Eyamba na Nzambe Tata mpe Yesu Klisto na nzela na Boyekoli ya Makomi Masantu ya Moto Yemei



*Teya makomi masantu
mpe makanisi to,
soki mposa ezali,
mobeko mosusu
oyo ekopambola bandeko basi
okotalaka. Pesa litatoli ya mateya.
Bengisa baoyo otalaka na kokabola
oyo bango bayoki mpe bayekoli.*

“Ntango nazalaki sika, . . . nabengisamaki na mole ya bandeko basi nyonso ya Lingomba ya Bamama po na Bosalisi kati na paloasi na ngai oyo batanga to Buku ya Molomoni to buku ya mokuse ya lisolo ya Eklezia. Nakomaki kotanga makomi masantu mingi mingi lisusu te, boye nalingaki kokende na mole na kotangaka buku mokuse mpo ete ezalaki pete mpe ezwaki ntango moke. Lokola nazalaki kolia molia na ngai, nazwaki liyoki ya nguya ete ata buku ya lisolo ezalaki kitoko, nasengelaki kotanga Buku ya Molomoni Molimo Mosantu epusaki ngai na kobongola bizaleli na ngai ya kotanga makomi masantu. Mokolo wana kaka nabandaki kotanga Buku ya Molomoni, mpe natikalala kotelema ata mokolo moko te. . . . Mpo ete nabandaki kotanga makomi masantu mokolo na

mokolo, nayekoli na ntina na Tata na ngai ya Likolo, Mwana na Ye ya Mobali Yesu Klisto, mpe oyo nazali na yango mposa ya kosala mpo ya kokoma lokola Bango. . . .

“ . . . Mwasi nyonso akoki kozala moteyi ya liteya ya sango malamumu na ndako na ye, mpe ndeko mwasi nyonso kati na Eklezia azali na mposa ya boyebi ya sango malamumu lokola mokambi mpe moteyi. Soki osili kokolisa te ezaleli ya boyekoli ya makomi masantu mokolo na mokolo, bandela sikawa mpe koba koyekola na alima mpo kolengelama mpo na baboyanoli kati na bomoi oyo mpe na mikolo ya seko.”¹

Julie B. Beck, mokambi monene ya Lingomba ya Bamama po na Bosalisi.

“Boyekoli ya makomi masantu ekosalisa matatoli na biso mpe matatoli ya baye libota na biso. Bana na biso lelo bazali kokola bazingami na mingongo kotindaka bango na kotika oyo ezali malamumu mpe kolanda, na esika, bisengo ya mokili. Atako bazali na moboko ya makasi na sango malamumu ya Yesu Klisto, litatoli ya bosolo, mpe ekateli ya kobika na bosembo, bazali kobendama na botindikami oyo. Ezali boyanoli na biso ya kolendisa mpe kobatela bango.”²

Mokambi Thomas S. Monson.

MASALISI MPO YA BATEYI BATALI

Na ntango ya botali na bino, boyanola mituna mpe bokabola makanisi na kosalelaka makomi masantu. Bopesa litatoli ya lolenge nini boyekoli ya makomi masantu elendisi eyamba na bino. Bosenga ndeko mwasi bokei kotala na kokabola lolenge nini boyekoli na ye ya makomi masantu elendisi ndako mpe libota na ye.

BOLENGELAMI YA MOTO YEMEI

Yoane 5:39

2 Timote 3:14–17

2 Nefi 9:50–51; 31:20; 32:3–5

M&E 138:1–11

“Tolingi bandeko na biso ya basi na koyekola makomi masantu. . . . Bosengeli kokangama na babosolo ya seko mpo na bozali malamumu na bino moko, mpe mpo na bantina ya koteya bana na bino moko mpe bana nyonso misusu oyo baye penepene na bino.”³

“Tolingi bandako na biso epambolama na bandeko basi oyo batangaka makomi masantu—ata ozali mozemba to obala, elenge

to mokolo, mokufeli to na moi
libota. Kokoma bayekoli ya makomi
masantu—na kokitisa basusu te,
kasi na kotombola bango!”⁴
Mokambi Spencer W. Kimball (1895–1985).

BANKOMA

1. Julie B. Beck, “My Soul Delighteth in the Scriptures,” *Liawona*, sanza ya Minei 2004, 107–9.
2. Thomas S. Monson, “Three Goals to Guide You,” *Liawona*, sanza ya Zomi na Moko 2007, 118.
3. Spencer W. Kimball, “Privileges and Responsibilities of Sisters,” *Ensign*, sanza ya Zomi na Moko 1978, 102.
4. Spencer W. Kimball, “The Role of Righteous Women,” *Ensign*, sanza ya Zomi na Moko 1979, 102.